

長武縣志

(二)

陕西省图书馆藏书	
书号	D6315 287 3
登记号	原12645 ·
00783	



長武縣志序後

古今三統，亦有史矣。不可不郡邑有

志，所以傳信也。史亡則失國，是謂志

亡。則失史職。故君子凜凜，為史必據

實。雖憚之，善誌必致。詳即徵，不



略其間盛衰泝慝是非利病
德多史情可通而事相類

今上勵精罔治慮九州民隱或安

洞悉

命推臣各脩以稽之德壽以進用

昭 大興嘗遺小邑長武不
魏 哀封後隸于邠不復立民
明 中葉後始復建縣遂登焉
不 滌多友張令雪菴有涇
邠 正書戎馬生邠簿書鞅

聞而亟議斯事恒具文也且務
本尔余与今交久且深形志
合雖燕吳異地而風雨同以自
生後遊行間入蜀迨秦分程
忽三秋共采菊之詩云一日采

見也三秋兮素何三秋此一日
何生不忘予頓頽促駕予不忘
冬輕身涉險相對自喻非也

日交情可例比予至邑而見
廢如此荒殘也此擊肘抗理

又以此書相考兩卷篇目時
艱而令出一編示予曰此縣志
也前生陳少諱所抱之書蓋五
載曾後幸於此得十五卷據
任未竟今出雖而後厥寧予

四山同吏職也第軍旅供糧
將執腹地男調教拉字廟心
易暇此全曰屢經苦發支獻
能存者不纂輯終至淪且時
吳剪殊唯此殘黎非幽鳳

竊笑幸遇作手何容觀面失之
予笑謂志以令重豈以父重况此
籍籍在改行實毋取辱績
為也若考詳不實能實之里中
之君子不可遂進張孝為是

稽之二子以黃序魁楚名滿長
凌其待久按對累日文章蒸氣
儘可把臂一林仍循故典復從
黃耆敢聘學賢經營彌月而
告成生采而就正予上覽之倍

有歲碑建縣百年未有志
況可小簾未有志優閒歲月未有志
延於地方凋敝軍旅倏倏時得
之無他任事者不任事之別也
家
兩人鞍載連牀即履朝月夜

賦詩飲酒未嘗不戲。有釵頭
憂多老矣。方壯有志者事竟成。
成期勿負夙昔。有如是編。至若
體列目。舉班。可改何必。子
之才。益堅之。學考。亭之。綱目。

如子傳信哉

康熙丙辰仲夏酉陽士師葉三
莫擴法聖父書於縣觚公署



長武縣志卷之下

藝文志

國門懸字常艷縹緗擲地傳聲每誇金石立言居不
朽之一雅重文章民懌成輯莫之辭正需碩畫卽此
藻思之橫覃庶見承平之景象不有佳作何伸雅懷
諷詠畱連洵規非而勸善歌謠禱奏亦籌筆以達情
志藝文

昭仁寺碑文

大哉乾元寒暑違而成歲赫矣上聖禪伐垂而爲道
斯則淳源旣往弧矢開戡剪之利天下爲功揖讓盛

皇王之業是知聖無自我不背昔以成務仁惟濟物
乃當流而義行豈好異哉蓋因世而已矣若乃執契
提象繼天理物張八極叶五緯坐立扈遊翠爲受昭
華而錫天佩觀滎河而巡溫洛補石於媧皇之世奠
山於文命之初殊質文於車服改正朔於寅丑順天
地而財成奄寓縣而光宅斯固神宗與汜水一致文
祖將海野同歸者也隋政悖道區夏熾潰星亾日闕
天瘡地反馭朽無秋駕之術履薄罕春冰之懼竭人
力於醉飽輕神器於奕棋玉杯非藜藿之用金柱乃
驕淫之靡旌蹕遍天下馳道窮華裒暴師韓濊宿兵

遂得食在田之利忘金鏡之寶盜賊之乘
不爲龍龜之梁泛蒼波其無已五嶽惟塵三川咸震
大盜負其宿鑄長鯨衡其漏網介冑不能匡其禍
亦無以靜其亂伊尹去而夏亾辛甲奔而殷滅人怨
將怒衆離親叛觸瑟無漢臣之忠夢駭成秦官之酷
於是九畿幅裂竊名假號四方罔視蜂飛蝟結赤眉
起劉樊之衆白挺奮陳吳之兵徇趙北而圖王反淮
南而稱帝鉤爪鋸牙遞相吞滅茫茫禹跡壑溝無歸
蒼蒼彼天何其罔極若乃崇地相襲天地恆其道靈
既所歸三五更其運是以秦人弛御豐沛膺赤帝之

符夏道云衰景毫得白狼之瑞股憂啓聖必將有主
樸原靜海上玄有屬我皇帝受之皇帝兆出震之靈
稟樞電之精開日月之明審正氣之禎潛德而隱凝
玄姑射之側感而遂通應迹廟堂之上乘龍之夢夙
符於神道斷熬之心早發於靈鑒蘊風雲於藏用納
宇宙於胷懷濡足授手救焚是急於是御太乙把鉤
陳驅天駟迴地軸乾行獄止雷驚麟震得兵鈐於玄
灑吞戎韜於黃石龍飛晉水鳳翥河千命蒼光以泛
流麾鳥以旗長邁以仁爲本扶義而西傳檄百城轉
鬪千里戰無交兵之□攻無池湯之固望鳳墟而一

息登瀛上而迴首觀覺而動俟天休命壺漿溢陌
籩盈塗鬼神叶贊華夷載停縹秦嬰於拱道拜殷士
於商郊旌臺之珠畢散於拜國諸侯之士不雷於服
御眷言兆庶企命來蕪薛舉罔因天際偷安隴坻藉
九州之險成五幡之暴推風東響績壘西夏同惡如
市轉相煽合帶州連郡豺虺爲群無竇融之先覺有
隗跼之迷謬遊寬放命豕突幽梁雖大風之作梗青
兵有臂之稱亂丹浦均強比逆異代同年豈不以道
矣鶉居讓王義隱時惟龍戰爭帝理開者乎是以軒
轅三十一伐殷后二十七征剪暴壽華之澤戮凶絕

轡之野非文德之可綏乃雄略之攸震天子躬御武
節親揔元戎灑沉災而括地象正斗極而清天步倚
長劍以肅威佇中區以傍矚運投水轉規之智蓄禮
樂慈愛之兵韜百戰百勝之謀揔天關地梁之術驅
駕韓白鞭擊雷電命招搖以啓行詔叅伐以前掃殉
義之士聽鼓鼙而竊誓蹈恩之衆望旌筓而張胆呼
吸則河海沸盪指揮則崑岱椅拔聖上順天道好生
之德體周王掩骼之仁將欲克亂在摧善師非戰兵
交使在弘其自革而茅旌不建輿襯莫從告捨旣違
行逃遂往吠堯之犬終感靈則荆山之客俱爲跼徒

獸窮來犯鋒刃比角爲城池之固在兩恣雄
之方非折箠之可笞豈亭長之攸制於是攝提在歲
黃鍾紀月義勇同奮賁育爭先下神兵於九天決督
圍於萬里逆順斯懸轟然大潰僵尸蔽莽委甲成山
擁秦涇而不流投過澗而自滿樊巢掃窟野無遺寇
正傾旻於西北紐缺地于東南卷氛稜於辰象反光
華於日月九伐已施載橐於武庫五兵罷用偃伯于
靈臺分禱旆于應畢誓山河于將師帝圖咸舉邦政
斯澄革汗俗于維新正王風於舊物鼓之以道德懷
之以仁義春雨以潤之秋陽以暴之解網深湯帝之

慈焚書下漢皇之詔布以新政刑用輕典四海之內
靡然向風八荒之表奔走無斃却塞蹠林之北開郡
銅柱之南苑葱山而池鹽澤踰盤木而跨熱阪那生
環海自入提封方朔炎洲同歸王會豈止箇鶴短帽
西鷄東鰈之貢而已哉若夫至人忘己義期拯物黃
屋非汾水之榮玄珪豈具茨之貴聖道運而不積神
功爲而莫宰雖復天潢固社長發啓祥猶且置璽陳
謙避河爲讓道外天下情遺尊極而巖廊餘事神人
之望難拒符命儻來歷數之期安避節遵上玄之心
俯順域中之請然後歷乘石握神珠開皇王之圖臨

夢辰之值冠百王而稱首與三代而同風統與乎
蕩乎粵不可名也於是衢空闕扉寶門啓路延覽英
彥鑿窳幽穴用人不偏於世族得賢無棄乎農璣故
非熊非彪致光昌之佐爲舟爲楫獲營求之士等五
臣之亮采同六相之訄謨崇臺非一木之枝璫裘乃
千金之麗濟濟多士皇家以寧重以制禮作樂移風
也勝殘去殺刑措也藏金舜嶺非膳堯宮雉裘非先
王之服寶馬豈鸞旗之用運玄覽以照物推赤心以
期下萬方罪已輜推溝之慮百姓爲心明天從之欲
茲乃上嗣重光之美元良萬國棣花璿萼之宗本支

直世咸幼隆慈訓言提自昔春審喻于宸極得樂善
於軒殿非藉保傅之勤寧因師友之力踰啓誦而高
視越郇韓而上征旣而休氣和平祥風薦祉威鳳爲
寶麟趾遊郊若烟非烟浮曉空而下映似月非月麗
宵天而成象禎不絕書靈無遞迹猶與偉與事高圖
史至於登輿下輦省方巡獄應感必彰形言爾著道
感金奏母盈玉簡叶獻思於泉涌諧神功於日用
稻梁之詞掩南風之曲聖作物覩永爲千載者焉抑
又聞之羲農遐邈軒頊悠緬絕傳信於故老非取接
聞見百世可知斯言殆息七代更立求之豈易矣

之視昔遙然未覩將何以分素青於三后辨天
九皇遂能歷選列辟詳覩群帝得茂實於千古驗英
聲於萬葉斯道何哉將由孔丘登德紀金繩者七十
管仲對齊陳玉檢者十二亦有漢廊帝圖魏開王業
樹豐碑於泗水謨貞石於繁昌莫不垂鴻名騰顯號
播休風於六儻歌盛德於九韶與天壤而無窮懸貞
明而可久刊勅之美不其懋與然則事止寰中道流
方外未辯西方之聖莫知東被之法求真之理我則
未聞雖御辯壘峒未趨涅槃之岸乘雲谷口寧遊般
若之門莫不同陟邪山俱沉業浪生死無際苦樂相

因詎照重昏之日誰剪稠林之樹比夫真如實相解
脫妙津道王三千功彌百億何異推劍首于雷門巢
蚊睫於鵬運者哉是知伊蘭無實有爲終假漂溺四
流邇廻九結踐畏塗而卒歲趨捷徑其長往大夢無
曉可爲嘆息粵若能仁深弘慈獎雖寂泊爲道無來
無去乘機誘發垣墼必追住一子地開方便門翔入
正道示如來藏飄香風於有頃灑甘露于無邊慧炬
明而幽夜朗法橋構而憑河息但爲仁由已履道自
裏表立影從因果非外今我所以仰勝緣于斗號紹
武功于七德真俗二諦兼而兩之皇上昔居因地于

弘誓力應迹忍土荷負群生屬憂火燎原藉天
鏘林無自靜之木震海豈澄源之水東越西
北怨旄鉞所次酣戰茲邦君輕散千金之賞
士重酬九死之命莫不競凌鋒鏑爭赴水火
雖制勝之道允歸上略而兵凶戰危時或殞
喪蹇裳不顧結纓荒野忠爲令德沒有餘雄
同艱難于昔晨翼歡泰于茲日有懷亮烈用
切旒宸仍於戰地爰構神居變穢土於寶城
開蓮花於火宅高峰罷昭慈燈載朗鶯旌輟
警勝幡斯立拔無明于棘林導焦熱于渴井
盡諸有結永險苦際雖復去順效逆同歸咎
徒中消穎從實惟

義重而土忍所被梅檀與利刃兼忘大慈所覃怨賊
將義夫齊指俱潤法雨同稱大轅迴向菩提無上平
等耳乃仰圖景躍東井躔其分野下料物土西河輿
其封域瑯戈是錫尸陳啓邦之所幽館斯開公劉建
節之地梁山南枕甘泉東指面雕雲之鬱蒼想玉樹
之青葱沃野千里平原超忽先王之棗梓西州之都
會於是詔司空相原隰四衢如砥八道傍通考極星
之曜測土土之景選杞梓于南鄭徵琬琰于西崑匠
石奮斤公以審墨高門洞啟曾甃有冗藻井瞰烟霞
之路步欄面一虹蜺之心非泗珠佳陸誰定題春講前

滿秋窓左闕月殿含影金波上而相照日宮吐曜
垂沉而猶朗何止四柱成臺高多羅之樹五王立寺
臨伽尸之水信足上圖駕御傍擬醍醐望鷲山而非
蓮想鷄林而可卽法徒淬止應供來遊咸珠式無缺
威儀杖錫四禪之林攝聚三道之路有寶所焉有名
僧焉至矣哉伽藍之爲盛也雖復高天已燼大海成
田我皇基於靜刹終永永而嘗傳其詞曰

三界雲擾六趣陂嶺苦流芳割優火炎圖俱迷津濟
莫導舟航長夜無曉非徒未央於昭十號四生是愍
道王大千智周上忍慧乃已裂化成斯引教有殊塗

乘無異輜甘露朝灑慈雲夕布品物以享群迷式悟
捷徑坦道耶山啓路不有善權誰澄惡趨炎行施德
廢道毀常玉弩驚炎金宿騰芒俯震瀛壑仰紊乾綱
九野鯨奮八極鴻張亂離瘼矣誰濟生靈黃星表耀
赤伏開禎大君應曆考御神兵乃聖乃武如雷如霆
於鑠王旅除雉靜暴闢石長驅唐郊大號壤裂逋醜
冢離湜昇懷忠死綏驚燐宵遠窮魂夜飛我有慈被
深仁莫違建斯淨域禾樹歸依歸依伊何俱消五縛
爭域伊何同升妙覺駕漢開宇憑霞竦閣木麗瓊丹
金艤鷲山非遠雞林可求七寶位樹八解疏流

稽違開晚天花不秋式定他應懽來遊凡厥慈
俱弘上善稠林以闢愛枝爰翦九緒水洋四禪自繼
彼岸可歸法輪恆轉金剛不壞璿祚惟長慧室長湛
皇基載昌僧祖可算恆沙易量悠哉天曆永配無疆

隋文安侯牛公弘傳

邑學生李天廕撰

牛弘字里仁雍州淺水縣人也少有學行務敦睦弟
約嘗殺其駕車犢妻怒謂弘曰叔殺牛弘不應再言
徐曰可作脯了無愠色妻怒亦解居恆長厚自處不
分人我隋開皇初徵爲祕書監弘上表曰典籍屢經
喪亂率多散逸周氏聚書僅盈萬卷平齊所得裁益

五千興集之期屬膺聖世爲國之本莫此爲先因詔
求遺書獻書一卷賚縑一疋九年十二月詔鄭譯牛
弘辛彥之何妥定雅樂妥自耻不逮欲沮其事令各
造樂器又恐工拙易辨先白帝曰黃鐘象人君之德
宜首事黃鐘及奏黃鐘之調上曰滔滔和雅與我心
會妥因奏止用黃鐘一宮不假餘律上悅從之弘奏
五音六律迭相爲用缺一不可奈何止用黃鐘一律
絲非太和元音以貽譏後世不聽及平陳獲齊梁樂
器工人奏之歎曰此華夏正聲也乃命弘等調五音

五夏二舞登歌房內等十四調實祭用之弘奏中

國舊音多在江左今得齊梁樂器請加修飾以得
樂其後魏後周之樂祿有夔齋之聲請悉罷之遂
弘與許善心等參定弘又使祖孝孫訂正復用旋宮
法帝猶記何妥之言不聽時臣阿帝意遂止作武
以象功樂成詔行之萬寶常聞而泣下曰淫厲而
天下不久盡矣不用弘法故也嗣進弘爲吏部尚書
掌選舉先德行而後文才務矢公慎所進多稱職佳
郎高孝基才能肆應而迹似輕薄時宰多以此疑之
弘獨委任之時稱得人高祖仁壽末好猜忌受讒聞
功臣故舊無始終保全者弘乞骸骨歸不允實意假

重之煬帝大業三年制百官不得計考增班似惜在
位實有輕士大夫之心所以群臣當進職者多令兼
假而已弘在吏部不得專行其職而蘓威宇文述等
世基等參理選事盡以賄聞弘復乞歸不允大業六
年十二月卒于官綱目特書曰文安侯牛弘卒又大
書曰弘寬厚恭儉學術精博隋室舊臣始於信任
吝不及者一人而已楊素嘗曰推誠體國處物平當
有宰相識度者牛公是也按弘事上以禮待下以仁
揆務浩繁而書不釋手言若木訥而質直任事膺榮
寵守儉約居鈞衡三十餘年夷險不渝始終如一

樂掌選器使好學誠為表表且家庭雍穆子弟率
非公義方之訓哉雖開物成務非其所長澄之不
混之不濁可謂大雅君子矣

集賢岡傳

邑學生張

緄撰

邑之北廻谿巨壑盤旋險峻平流數武為萃宜秀之
奇占谿泉之盛或稱四鰲山五鳳巢嘉名不一而足
大槩近城郭而無城郭之嗽非山林而有山林之致
其在上也峭然壁立可以望遠其在下也清流環流
可以聽幽岡之前空谷浩邈雲霞出沒崇阿高陵之
錯而繡鳥啼花落之韻而清或來騷客吟壇或送飛

鴻鳴鶴飽月朗風清雲深水永意必有蒹葭伊人應
聲而出者乎故曰集賢岡

病秀才說

公諱張舜民
自號病秀才

張 緝著

病秀才何許人也嘗欲東窺扶桑西陟崑崙置南極
於几上納北溟於視池才竭無從厥病益深名曰病
秀才攷其生平慕蒹葭嗜鶴鳴尤愛天地間之佳山
水且志不在溫飽腰亦不折督郵病秀才曰今不能
為古人宜持古道以式今人故學古不獲則病於古
慨今不若則病於今書不本於會稽則病於書不
授于靈陵則病于琴推而廣之劉東山之患民病

可之憂國而病少陵之客病登臺相如之渴
賦楊忠愍之病嚴嵩薛文清之病王振皆與病
才異而同情者也又豈參苓可備鍼砭可及哉故有
終身之憂而無一朝之愈也於是病秀才之名著

建脩文廟碑記

按長武創自萬曆之十一年其地故隸邠州卽古
公劉自邠徙居處漢名鶉觚縣魏改爲宜祿縣歷
宋元明而已廢置宜祿驛驛又他徙頃巡撫御史
公廩巡按御史龔公懋賢陳公薦相繼爲民疏請
曰宜祿距幽遠管途衝時有盜警爲民患先撫臣

瀚奏添州同知分牧其地事復掣肘官與民兩病之
無若置邑便環宜祿編立九里居邠三之一有城可
守有衆可依有生徒可教易佐爲令裁訓爲論在
移之間創構宮室取贖鍰爲費無煩公帑一勞永逸
以不從民志盜賊可息德化可行天子曰俞其制
祿爲邑名長武仍隸邠州主爵者以鄖西梁道凝
令長武任其役于是邑治旣興學宮鼎建左爲
文廟右爲明倫堂兩廡兩齋如制廟北爲啟聖祠
北爲尊經閣迤西爲敬一亭堂之東偏爲教諭宅
墻之外東爲社學西爲射圃煥然一新暮月而

成諸生籍宜祿改從新學者凡五十有餘人邑令
請於兩臺檄提學副使許孚遠爲之記孚遠嘗讀詩
至豳風七月而知豳俗之勤厚周之所由以興也讀
詩至公劉而知周之先公篤於豳者如此其至也夫
公劉避西戎之難始遷於豳當其陟巘降原逝泉遠
京以廬處斯民者無所不善而其民一務於農桑耕
織業七月諸篇要以先時備豫蓋終歲勤動而不敢
有一意之怠荒焉及其爲裳與裘爲酒與食率緩私
而急公優老而薄將禮義之風藹然具存故民勞則
善心生化行而俗美數十世至於古公亶父避狄遷

岐而邠之人相與從之固結而不可解何其厚也嗚呼此周公之所爲詩以告戒成王者乎今邠實幽地長武爲邠西境度詩所爲度其夕陽幽居允荒民於斯時生長大半固不知有戎狄之患遷徙之勞獨舊邑久廢今始恢復上之人以庶幾有匪居匪康篤厚與民之意惟爾士若民其視邠之先爲何如也吾聞此地寡商販專稼穡猶有邠遺風故爲人多冥悍士夫之家鮮克由禮至婚娶而論財尤近薄惡豈數千載之下厚道遂以凋喪歟抑士未知學而禮教未明歟先儒蓋言雍州土厚水深民性重厚驚而不爲浮

道之善固焉驅之猛亦疾故周川之以興二南之
化而秦用之以爲富強之資嗟乎及秦之流毒固已
久矣我國家建學育材一倣成周辟龐泮水之制其
文端以崇禮明義忠君孝親爲急幸而生逢當世必
其爲周不爲秦爲善不爲猛可知也而况先王之遺
意尚存新邑之政教伊始其從善宜有易易者哉書
曰惟民生厚因物有遷言反薄歸厚存乎其人也語
云新沐者必彈冠新浴者必振衣言舍舊從新存乎
其時也爾多士勗之吾將延頸拭目以觀長武之士
與於朝而善其俗者明萬曆十五年三月吉旦督學

使者德清許孚遠撰

鶉觚考

秦始皇西築萬里長城蒙恬董其事有鶉集於觚上
因名焉疆域甚擴大少寨爲靈臺鎮離長武四十餘
里見有鶉觚城隍廟碑記

娥皇廟考

英皇者堯之二女虞舜妃也元至正二年間旱魃異
常一士人夜夢二聖母引至一境林木叢集以手指
地曰汝明晨往此祈禱靈湫以救萬民翌日其人如
言十步一拜至其地宛然夢中所見且拜且泣水

澗泉出焉瓶取水未至縣大雨滂沱鄉人記其事
廟歲時致祭焉至今旱禱無不響應士人卽商均後
身也專詳碑記

新建長武縣治碑記

明鄭西梁道凝撰

嗟夫邑之興廢顧有時哉長武縣在商周時爲邠壤
地漢置縣名鶉觚後魏改淺水宜祿宋仍其舊名由
金歷元裁改縣治國朝之設宜祿驛屬邠州地當西
嶽平慶交會區四鄙多山阻爲盜藪居民患之先時
總督楊邃菴公親建復會歲大祲不果嘉靖間寇掠
帑解設邠涇兵憲以鎮之尋以裁革環宜祿居編民

九里去州治愈遠官艱征督民難輸役後乃移州二
守駐劄以分董之九里徭役悉隸焉民始稍稍稱便
董以官偏而勢難專制權分而事多掣肘且一羊二
牧民亦告煩萬曆辛巳撫臺萬安蕭公防秋固原按
院內江龔公巡歷關西道宜祿九里民遮道訴乞復
縣治二公停車久之原相地形詳察事勢謂縣允宜
復也列疏以聞命下復議牒諸司府道僉謀同乃覆
旨發未春蒙上諭允錫名長武越三月余以丁外艱
服闋謁選甫投牒銓部卽疏名下請以今官掾之時
有闕中客京師者愛余曰宜祿一疏

為議縣制議

饑之後瘡痍未起于茲奉檄而往縣治成與否未可
必卽成亦未可歲月計也余曰有是哉天下事顧可
諉乎哉遂赴議部領新符治裝入關時夏六月也蓋
任緩賦期塞弊穴踰兩月而民可使也相時辨土鳩
工聚材若縣治學宮壇廟公署城垣倉舍等三十餘
所工料之費岑撫臺任丘李公按臺祈陽陳公發帑
銀二千五百兩隨值支用各議請各配徒囚百餘名
協力脩築是以期年之內民不勞而工作告成茲縣
敷政宣化所也鼓樓儀門牧愛堂六房科仍分署廳
之舊而式廓之增建親民坊于鼓樓之外坊之右旌

善亭左申明亭各一楹儀門外東則土地祠西則監
囚所內則吏典公廨在土地祠之後牧愛堂東連官
庫西連幕廳儀伏所復有思補堂西則知縣宅又西
則典史宅蓋止此輪渙美而體統以尊纖悉圖而規
制具備獄訟質成征輸者趨赴執役而事事者惟所
止經始于萬曆癸未之秋八月訖工於萬曆甲申之
夏六月也嗟夫此一邑也昔奚以廢今奚以興竊意
九里區區當孔道星輶絡繹膏脂易竭則體欲富之
心以副朝廷分職之意使長武之興千百禩如一日
蓋不能不爲將來司牧者致鑒也

東嶽廟碑記

泰山爲東嶽其神東方封內諸侯祭之也宜祿爲西
土旅之何居東主發生岱爲嶽宗西爲秋行金主肅
殺亂踰一紀燼爛已極金何沴乎諸籓擁兵太阿劍
授跡謂何數周十二星回于紀氣極當復窮有變殺
必有生也統必有宗也東嶽見祠西土非謬也廟去
宜祿縣東一里至正失馭圯于神匱祀乏民無所依
河南劉君判樞事兵鎮茲方爰薙荒基作廟有異工
雖民役貲實已捐曾未及月金輝碧煥群司陰森睢
盱睨暘鏗鐘考鼓用嚴鬼行所祈於神者不瘥不夭

劄癘不我殃桑蠶大得五穀穰穰里肯絕喧賈倍獲
羸四時八節打鼓吹遂壓酒刑羊神飫以循俾我笄
悴與其髻脫離劫運得保肝腦不被刀創天毒西
土西土無所空維嶽天齊仁同大生其佑茲土世虔
脩祠罔缺至正二十三年中秋鐫刻上石

唐僕射徐

公諱世勣賜姓李氏記并贊

張緄撰

讀唐名臣錄知公之慷慨大節才智過人而太祖亦
贊曰不背德不邀功真純臣也於斯時也公之忠義
滿朝廷令譽滿鄉黨赫聲濯靈滿海甸而無功高震
主之嫌及其持身克終垂戒子孫則寧守之以道在

謙之九三勞謙君子萬民服也公能以之其能忠也
故其能孝也故其氣剛大浩然而塞天地也沒而爲
神宜其風風雨雨與日星河嶽相上下香火血食萬
年不替此亦理之至常無足怪者議者謂廢王氏立
昭儀濁亂唐室幾禍邦家卒成於公之一言嘻此天
意也抑太宗失德故宮幃多讐事有所本不能爲公
咎實曰公昔杖策效從王建立奇功定大唐名勳鐘
鼎著笙簧彷彿魏杜燮陰陽力破突厥振要荒令聞
今譽且昭彰散金將將以義倡赫赫濯濯復煌煌剪
髮和藥近御床際合誰能出其傍不邀不背豈尋常

欣動天子稱純良齊家雍睦振三綱垂裕後昆翼而
康冲蒼浩氣應無疆何啻八十日齡長塚象三山鎮
太滄帝敕膏雨播遐方粒我蒸民悉爾臧參贊立工
與稷光千秋景仰奉蒸嘗

咏宜山詩

隋邑人牛弘

簷葺無數好峰巒醉眼詩腸冰雪寒不識宜山真面
目請君來此倚闌干

漆溪秋望

明左布政孫禮

絕壑幽澄一脉懸明暉隱隱寂涓涓碧涵銀漢平分
淨光浸水輪上下圓兔白藥陳空共搗蟾宮人冷各

淚眼玉環敲斷初弦外半在清流半在天

陸秋過宜祿

明巡撫練國士

亂離經百代糧裹詠公劉黃澗流殘渡夕陽堆古丘
草枯雀野獵葉落點征裘聊陟高原望連天盡戎樓
赴咸陽任留別七子三首 邑侯馮珣

蕭蕭門外聽鳴騶一曲離歌帶別愁自惜掛冠情未
遂那堪卧轍淚難收瘡痍目軫無能起撫字心舍去
後憂回首鄉關何處是却看此地是并州

其二

絃歌化俗愧循良何意除書出未央匹馬曉衝千嶂

雪一尊寒破萬林霜
焚魂常夜逃親舍
浪跡頻年尚異鄉
執手臨岐自惆悵
歸心空逐海雲長

其三

征車東駕歲將殘
古堞荒城白日寒
卧閣人耽羈旅夢
開尊強對故人歡
閭閻到處悲離析
廊廟誰爲策治安
吾黨固知多傑士
雲霄期共一彈冠

過山且祿憂旱

明巡按張爾忠

西土之口民亦困
哉那堪炎旱更爲災
原隰邇來無綠草
輪蹄到處是荒堆
隴雲不送三春雨
周道難闡二月雷
願天急沛如膏澤
且夕開顏喜雨杯

脩築長武城告竣二律

明色戾憚緇

二月綢繆密鋪工戴星出入凜寒風重新雉堞城
江再固金湯氣勢雄原上牛羊朝放綠市中燈火夜
添紅地逢否應極還黍尺寸原非是已功

其二

經營日日事城工朝逐嚴霜暮快風百姓改觀三月
吾一城重固萬家雄鬢鬚近爲愁生白肝胆常隨日
轉紅帑出上台恩澤遠敢云胼胝奏膚功

雪夜巡城

不是山陰訪道遊却籌平蔡晉公謀行繞百步鬚生

白漏過三更鬢掛秋踏去有聲雲滿足
孤來不響絮盈裘今宵不必燈高照
滕六光芒遍九川

別長武

自請殘疆署事官半年那得片時安
常愁反側持竿險每慮登陴勇士寒
破碎城池脩築苦亂離風鶴撫綏難
而今喜見鴻歸渚勒馬回頭帶笑看

鵝鰲抱病

憔悴誰憐鬢髮秋消時只向醉中求
還家有夢書難寄對客無言意轉愁
抱病一身虛歲月扶筇幾度少
風流悶來最怕黃昏後署鼓頻催月滿樓

勸農卽事

邠州知州兼攝印務張金蓮

殷勤白髮捧壺漿兒女相隨擁道傍
多謝大官憐赤地勸教小子種黃梁
百年生聚茲更始七月幽風未
可忘喜殺故園梨棗在熟時還要上公堂

重九登藥王洞

山左劉大來

爭傳今日戲登臺牢落騷人眼倦開
菊客他鄉冒雨旋雁飛故國暮霜來
病依秦隴家難到夢繞瀟湘人未回
縱有茱萸堪一醉臨風多恐淚盈盃

集賢岡秋望

寒紅霜後葉參差樹裏猶存三兩枝
野老朦朧拭醉

眼依稀二月看花時

集賢岡小坐

邑侯張純儒

燕城難避日麥浪忽殘春快飲開新釀離情接故人
涓涓看秀水蹙蹙憫寒燐綏撫慚無術停杯問計頻
同莫循蜚士師過南礪因訪高生

亦仿行春事因來處士家茅簷饒爨火怪石雜繁花
斗酒賓朋集雄談典籍賒故交曾奏最何以勸桑麻
藥王洞卽事時同莫循蜚尚垂勳張魚尚三文

學

鷄犬荒郊豈不聞流泉一線尚氤氳救來荆敝無良

清開有卧雲經濟夙推賢少府風流猶見
嘉盡好其班荆話夕曛

應前作

去年循苦旱蓄畬僅枯稗哀哀中澤鴻漸漸欲離
已在衢衢跋扈尚逋誅供億朝朝急萑苻夜夜
憐嗷赤子溫飽將誰恃郊野無青草室家輕敝
勢散我何求徒勞旦夕謀焚薪身可燼保障責難
周天心恹恹溝壑何生活可甦既稿田願剖臣之血

淺水安營

禮國整 皇師闕山汗馬馳熊羆張撻伐鴻雁勸世
離宦况勞稱貸民輸藉鬻兒醫瘡無肉剜延想太平
時

集賢岡同尚都闔張明府玉繩印孔兩社長小

欽卽事

雲間莫琛

數曲迴泉亶父疆春風遙送野花香琴堂保障傳神
政陶穴綢繆傷女墻烽火未消慚仗象珠霏相競喜
飛觴集賢岡上群賢集裘帶翩翩不遜羊

南礪同張明府張玉繩李印孔過高文學齋看

牡丹

中流如線兩山遮南礮登臨勝事賒自變迎風捲
奈何勞鎮日衰胡麻撫綏同樂中牟令行誼孤高
闕家但謂文通酣典籍偏饒逸興植名花

同人遊藥王洞有作

流水多迴壑朋簪此杖筇人家絕壁
藉草傾尊酒披襟話晚風葫蘆藏妙
可云否療寒

和雪菴邑侯安營長武之作

前川吳敏文

淺水繁車馬西涼厭鼓鞞
一望人烟斷千重軍幕齊
角聲悲自壯何處得鳴鶴

禱正英皇廟卽事

邑學生張 繼

唐虞已沒數千年
災祲誰深蔓
部憐百里槁
苗悲其地
三更授夢說甘泉
崇朝澤爲殘
黎起奕代
馨將二女傳
元季猶聞蘇疾苦
得安耕鑿卽堯天

古公宮

縱日南郊外

高處宮浮雲
催暮雨
落日起悲風

本黍離離異鳩
處處同不堪
烽火急延佇
意何窮

孝子灘卽事

千古芳名孝子灘
峰巒環遶水漫漫
行人莫向前
村

望滿樹烏鴉噪影寒

秀水

秀木桃花滿路香
鶯飛不碍柳絲長
柳飛桃結裏
晚翻笑雙丸
禪代忙

漆水渡

王氣蒼蒼餘漆水
岸頭日暮悲風起
行人呼渡舟不
移
憶殺當年睦井里

藏易洞

羲文一畫自悠悠
否泰常教洞裏收
消長陰陽傷底
事
寒烟終日繞溪頭

佛月講經處

溪山一望白雲深
誰種曇花見滿林
聞說西方齋

劫倘遺妙諦得相尋

漢栢

古栢栽何代人傳是漢時虬枝連北斗老榦掛南箕
虹合雙龍鬪風生六管吹披襟堪醉酒長卧可敲詩
衣冠隨世改文物半星移獨此經離亂依然迥出奇

韓范舊鎮

涇原重鎮果如何一范一韓樂事多士女依然新井
畝師儒猶是舊絃歌更無躍馬飛黃土唯有燒書獻
紫阿明德難忘思將相春秋歷代祀鳴珂

橫渠講學

絕學千秋不易儲，豈期此地有橫渠。
珠輝滿座山爲婿，月印一堂今古譽。
洙泗有傳君繼統，天根無路我何居。
斗山在望生何晚，傾慕還思報玳瑁。

集賢圖歌

邑學生李天廕

瑞觚城北有高岡，形同威鳳下穹蒼。
俯瞰環谷數百尺，白雲終日自翱翔。
藕畦馥郁散新花，眠柳參差藏暝鴉。
沸沸雙泉鳴碎玉，蕭蕭幽響接天涯。
巍峩殿閣青霄裏，于今歷載知幾許。
寤歌抱膝意如何，也堪極目窮千里。
丹桂天香正仲秋，一輪皓魄望中收。
深谿遠岫時相向，豈誇杜曲有曹劉。

長武城

漠漠荒臺長武城當年阮士待王兵
山楓晝壯旌旗色河水宵傳刁斗聲
殘戍野烟常斷續窮黎曠土半
芸耕只今幸享承平日郊郭兒童侮戰爭

黑水河

西來黑水漾長波點浪乘風燕子過
夾岸春塍鋪綉錦蓮烽茅舍掛藤蘿
石渠尚憶梁公蹟土鼓還傳夏
父歌世事屢驚陵谷變寒流依舊枕山阿

柳毅泉

東山高峙水南流
壤接長安古帝州
芳草年年叢

跡垂蘿日日鎖神湫
牧羊少婦愁將絕
倩筆書生尚畱一掬淵
渟無旱澇長看烟霧罩沙丘

神龍山

北望神龍接上台
孤峰突兀萬山迴
井開難辨陰陽
水碑劖終疑秦漢才
大壑秋深神物蟄
遙山月落嘯猿哀
崢嶸自幼看頭角
何日風雷劈畫來

昭仁寺

天下逐隋鹿
謳歌歸李唐
巨憖咸慕化
小醜尚跳梁
赫怒清秦壘
豐碑借楚王
莊嚴猶盛烈
不是故迴廊

咏宜山

宜山插太虛雲日近相依碧嶂輕烟繞柴門垂露微
古松蘿作伴怪石蘚成衣登眺分今昔長吟不忍歸
秀水

宜谷流泉秀環山似蜿蜒輕風披細草落日帶微烟
靜見前林紫倦飛宿鳥還不堪思往事愁緒寄潺湲

馬跳泉

神馬曾經處半山忽有泉遙看林靄靄印月娟娟
遠汲無終吝遺休得久便奇人何可覓阡陌鎖寒烟

藥王洞卽事

邑學生李乾培

仙洞清光映画樓輕雲縹緲兩山頭澗澗流水珠常

濺冉冉飛霞錦自穠漫對幽篁人遠俗俄驚脫
生秋憐君亦悟貧非病煉就靈丹不許求

淺水古蹟

百里平原闊千山望欲迷廢祠餘老樹破屋傍深溪
粲粲黃花岸萋萋芳草隄頻年多寇盜戰馬向風嘶

咏涇水

涇水汪洋亘伐流幅員東繞古宜丘界分北地風猶
勁圻接新平麥已秋潛石激湍噴浪雪流鶯啼絮響
微颺試看十里晴川綉嫩綠肥紅連舊疇

靈雨頌三章

禱雨英國公廟

長正興志
仙人靈雨出扶桑須臾慰滿遍八荒浩蕩神功無可
將三農處處嘆汪洋

仙人靈雨濟蒼生稽首呼天惠且寧鼓淵淵兮更吹
笙荷休願獻萬年觥

仙人靈雨芝蘭秀黃茂千年盈宇宙明德惟馨非俎
豆生生世世神靈佑

文廟鼎新課士漫吟

邑學生張爾性

突逢烽火千秋恨重觀宮墻萬仞高豈有雄文與八
代可能畫頰益三毛宜山嶽立增巍望秀水波生瀉
錦濤真幸斯文猶未喪得從嶼尾騎雲翱

跋

志與史有異乎無異也而觀感興起則無不同若修史易而修志則難何也修志不難修長武之志則難長武舊隸於幽數千餘年歷漢唐魏宋其間不知幾建置幾沿革幾風俗之異其尚幾師儒之異其習也明中葉復舊建改名長武蓋謂習尚武健風不古處非用文德以綏之將焉止也前任父母多遜謝不遑者職是故耳而余小子獨謂非其人未易幾此也雪菴張父師鉅卿名胄雅好經史所構詩文盈箱篋案甫下車慨然有振興復古之意集邑之父老子

詢以掌故僉曰承平無事且難以觀厥成值軍興
午輸將運輓之不暇而暇此耶公曰不然成大事者
不狃于俗作事謀始存乎其人耳卽遙邑之黃耆
衿而余小子亦列其末諸凡需用不取之民間遂
集賢圖上購求遺文校讐而訂誤復耑邀循蜚莫
生賁止宜山綜核筆削先生南國高賢燕許大手
而兼斑馬之長且吐握下士不棄余小子賡和山
點鐵作金汪汪千頃波不足擬也遂提綱挈領
毋虛寧質毋文寧風規於可大可久毋掛漏於
有倫猗與都哉夫何以謀之百年而不足者決

日而有餘也太平優游而克阻者破斧缺斨而無
也緣公之篤厚於民也如此而民之媿茲于公也亦
如此越數千年而復見公劉亶父之遺也又如此豈
可以興矣邑之縉紳讀此志而興也韓范之偉績
昨何弗勵歟邑之文學讀此志而興也張史之芳
不遠何弗媿歟邑之人民讀此志而興也獻新獻
春酒之肴壽可介吾儕非其倫歟邑之將卒讀此志
而興也同袍同澤甲兵之偕行堪作我輩非其任歟
如是則化隆俗美不儼然幽風土鼓之舊哉而余小
子亦得拜手展言以跋其後若曰襍線堪補以佐茲

狐裘之敝我何敢

康熙十五年歲次丙辰蕤賓之望邑後學張緄崑石
氏題於集賢岡之迎旭亭

